

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SITA

KIKAO CHA SABA

07 FEBRUARI, 2017



ORODHA YA SHUGHULI ZA LEO

MKUTANO WA SITA

KIKAO CHA SABA – TAREHE 07 FEBRUARI, 2017

I. DUA:

II. HATI ZA KUWASILISHA MEZANI:

MWENYEKITI WA KAMATI YA BUNGE YA MIUNDOMBINU:

Taarifa ya Kamati ya Kudumu ya Bunge ya Miundombinu kwa Kipindi cha kuanzia Januari, 2016 hadi Januari, 2017.

MWENYEKITI WA KAMATI YA BUNGE YA NISHATI NA MADINI:

Taarifa ya Kamati ya Kudumu ya Bunge ya Nishati na Madini kwa Kipindi cha kuanzia Januari, 2016 hadi Januari, 2017.

III. MASWALI:

OFISI YA RAIS (TAMISEMI):

69. MHESHIMIWA NAJMA MURTAZA GIGA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Ulevi wa kupita kiasi hasa wa pombe za kienyeji umekuwa na athari kubwa za kiafya na kiakili kwa Watanzania wenye tabia ya ulevi wa kukithiri:-

Je, Serikali imejipanga vipi kukabiliana na tatizo hilo hasa ikizingatiwa kuwa sheria ya vileo ya mwaka 1969 ni ya zamani sana kiasi kwamba inawezekana kabisa haikidhi mabadiliko ya hali halisi ya vileo kwa wakati huu.

WIZARA YA ELIMU, SAYANSI, TEKNOLOJIA NA UFUNDI:

70. MHESHIMIWA DEO KASENYENDA SANGA (MAKAMBAKO):

Atamuuliza Mheshimiwa Waziri wa Elimu, Sayansi, Teknolojia na Ufundi:- Serikali iliahidi kujenga Vyuo vya VETA kwa kila Wilaya ili kuwasaidia Vijana kujifunza Stadi za Kazi mbalimbali:-

- (a) Je, hadi sasa ni Vyuo vingapi vya VETA vimeshajengwa katika nchi nzima;
- (b) Je, ni lini Chuo cha VETA kitajengwa katika Wilaya ya Njombe.

WIZARA YA KILIMO, MIFUGO NA UVUVI:

71. MHESHIMIWA NAGHENJWA LIVINGSTONE KABOYOKA (SAME MASHARIKI):

Atamuuliza Mheshimiwa Waziri wa Kilimo, Mifugo na Uvuvi:- Kumekuwa na mgogoro kati ya wafugaji na wakulima wa Jimbo la Same Mashariki dhidi ya TANAPA:-

- (a) Je, Serikali haioni umuhimu wa kuwapatia wafugaji hao shamba darasa kupitia hekta 346,000 zinazofaa kwa ufugaji;
- (b) Ili kutatua tatizo la maji na malisho kwa wafugaji wa Same Mashariki; Je, Serikali kwa kushirikiana na sekta binafsi haioni umuhimu wa kuanzisha mradi wa kuvuna maji ya mvua ambazo hunyesha mara kwa mara;
- (c) Je, Waziri yuko tayari kuambatana na wataalamu wake kutembelea Jimbo la Same Mashariki ili kuona ni jinsi gani anaweza kuwasaidia wafugaji kuanzisha mitambo ya Bio – Gas kwenye mazizi yao pamoja na kuwaelimisha matumizi bora ya mbolea ya samadi.

WIZARA YA AFYA, MAENDELEO YA JAMII, JINSIA WAZEE NA WATOTO:

72. MHESHIMIWA GEORGE MALIMA LUBELEJE (MPWAPWA):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Jukumu la MSD ni kununua na kusambaza dawa na Vifaa tiba; na MSD inakabiliwa na tatizo kubwa la fedha za kununua Dawa na Vifaa Tiba:-

Je, Serikali itakubaliana nami kwamba ipo haja kubwa ya MSD kuwezesha kuwa na Fungu (Vote) maalum kutoka Hazina.

WIZARA YA UJENZI, UCHUKUZI NA MAWASILIANO:

73. MHESHIMIWA DUA WILLIAM NKURUA (NANYUMBU):

Atamuuliza Mheshimiwa Waziri wa Ujenzi, Uchukuzi na Mawasiliano:- Kuna tatizo la usikivu wa simu za mkononi katika Kata za Napacho na baadhi ya maeneo ya Kata ya Maratani na Kata ya Mnauje:-

Je, Serikali ina mpango gani wa kufanya utafiti na hatimaye kuweka minara ya simu katika maeneo hayo.

**74. MHESHIMIWA BUPE NELSON MWAKANG'ATA
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali ilipanga kujenga na kupanua Uwanja wa Ndege wa Sumbawanga Mjini:-

Je, ni lini ujenzi huo utakamilika pamoja na kuwalipa fidia Wananchi wanaozunguka Uwanja huo.

WIZARA YA MAJI NA UMWAGILIAJI:

**75. MHESHIMIWA SAUL HENRY AMON
(RUNGWE):**

Atamuuliza Mheshimiwa Waziri wa Maji na Umwagiliaji:- Mradi wa Masoko *Group Water Scheme* umeshughulikiwa kwa kiwango kidogo na miundombinu tayari imeshaharibika:-

Je, ni lini mradi huu utamalizika.

**76. MHESHIMIWA AHMED ALLY SALUM
(SOLWA):**

Atamuuliza Mheshimiwa Waziri wa Maji na Umwagiliaji:- Miradi ya maji ya *World Bank* katika Jimbo la Solwa imesimama kwa sababu ya wakandarasi kutolipwa fedha zao kwa muda mrefu sasa:-

Je, ni lini Serikali itawalipa wakandarasi fedha zao ili miradi hiyo ikamilike.

WIZARA YA MALIASILI NA UTALII:

**77. MHESHIMIWA BONNAH MOSES KALUWA
(SEGEREA):**

Atamuuliza Mheshimiwa Waziri wa Maliasili na Utalii:- Katika maeneo ya Kata mpya ya Bonyokwa Jimboni Segerea kuna msitu unaoitwa “Msitu wa Nyuki” ambao kwa muda mrefu umekuwa kichaka cha kujifichia majambazi; na wapo wananchi ndani ya Jimbo hilo waliokumbwa na tatizo la bomoa bomoa katika Kata za Buguruni Mnyamani, Tabata Liwiti, Vingunguti na Kipawa wanaozunguka bonde la Mto Msimbazi ambao hawana pa kwenda:-

Je, Serikali haioni kuwa ni busara kurudisha Msitu huu kwa Wananchi hao waliokumbwa na tatizo la bomoabomoa ili waweze kuweka makazi yao eneo hilo.

WIZARA YA HABARI, UTAMADUNI, SANAA NA MICHEZO:

**78. MHESHIMIWA COSATO DAVID CHUMI
(MAFINGA MJINI):**

Atamuuliza Mheshimiwa Waziri wa Habari, Utamaduni, Sanaa na Michezo:-

- (a) Je, Serikali ina mpango gani wa kuwapunguzia Wasanii gharama za ukaguzi wa filamu ambapo kwa hivi sasa gharama hizo ni shilingi elfu moja kwa dakika;
- (b) Je, Bodi ya Filamu imejipanga kwa kiasi gani kuhakikisha huduma zake zinatambulika nchi nzima tofauti na sasa ambapo ni Wasanii wachache wa filamu ndio wanafahamu wajibu na majukumu ya Bodi hiyo ambayo hata Ofisi zake hazijulikani ipasavyo sehemu zilipo Jijini Dar es Salaam.

WIZARA YA FEDHA NA MIPANGO:

79. MHESHIMIWA SUSAN CHOGISASI MGONOKULIMA (VITI MAALUM):

Atamuuliza Mheshimiwa Waziri wa Fedha na Mipango:- Miradi mingi ya Maendeleo inashindwa kumalizika kwa wakati kutokana na Serikali Kuu kutokuleta fedha za miradi kwa wakati:-

Je, ni lini Serikali itapeleka fedha kwa wakati kwenye Halmashauri ili miradi ya maendeleo itekelezwe kwa kipindi kilichopangwa.

80. MHESHIMIWA DKT. DALALY PETER KAFUMU (IGUNGA):

Atamuuliza Mheshimiwa Waziri wa Fedha na Mipango:-

Je, ni kwa nini Serikali isidhibiti matumizi holela ya dola nchini ili kupunguza utakatishaji wa fedha na kuimarisha ukuaji wa uchumi kama zinavyofanya nchi nyingi duniani.

IV. HOJA ZA KAMATI:

MWENYEKITI WA KAMATI YA KUDUMU YA BUNGE YA MIUNDOMBINU:

Kwamba, Bunge sasa lipokee na kuikubali Taarifa ya Kamati ya Kudumu ya Bunge ya Miundombinu pamoja na maoni na mapendekezo yaliyomo kwenye Taarifa hiyo.

MWENYEKITI WA KAMATI YA KUDUMU YA BUNGE YA NISHATI NA MADINI:

Kwamba, Bunge sasa lipokee na kuikubali Taarifa ya Kamati ya Kudumu ya Bunge ya Nishati na Madini pamoja na maoni na mapendekezo yaliyomo kwenye Taarifa hiyo.

**DODOMA
07 FEBRUARI, 2017**

**DKT. T. D. KASHILILAH
KATIBU WA BUNGE**